



[www.BibleForChildren.org](http://www.BibleForChildren.org)

# Génesis 1




Jaba dājā, judu mösö ma  
cui, bita a ma cui, Yai  
Bada tänö tä bluca  
bädamalema.



A bita wəlidio balöoma. A çai  
bloque nö quilijioma. Mau ɔqui u  
bada feyaca jamö, mö didi tä  
cuoma. Öjö u feyaca jamö, Yai  
Bada a Bufi cadäaö cuaama.




Öjö däjä, Yai Bada a wə falayoma. —Bei. Tä da  
wacacablalu —a fa cunö, tä wacacablaliyoma. Tä lä  
wacacai, mö jalu tä əfa jilaquema. Tä lä suble wei, mö  
didi tä əfa jilaa mö feduquema. Öjö däjä, tä mö fa  
weyalönö, bei  
tä mö jaba  
dödölayoma.



Öjö tä fena ja, Yai Bada a wə faö çoma. —Bei. Mau u möamo jamö, judu mösö da cublalu. Wa mösö fa cublalunö, mau wa ubä shedequemabobä. Ai wa ubä bäfätämabobä, ai wa ubä feyacamabou mö feduobä —a cuma. Einaja lä tä cublou showadalayoma. Mösö lä lelemaquedayono wei mösö lä cui, judu bei mösö afa jilaquema. Öjö däjä, tä mö weyaa fa çolunö, bolacabö bei tä mö jaba dödölayoma.



Öjö tä fena ja, Yai Bada a wə faö çoma. —Bei.  
Bäfätä jamö wa u lä cui, ubä da çocamolu, ulifi  
wejediwä tä wawäblobä —a cuma. Inaja lä tä cublou  
showadalayoma. Tä wejediwä lä wawäblaliyono wei,  
mashita a wəfa jilaquema. U lä çocamolayono wei,  
modu u əfa jilaa mö feduquema.



Inaja tä fa cublalunö, Yai Bada tänö tä dodijidawä  
dalalema.



Öjö däjä, Yai Bada a wə faö çoma. —Bei. Ulifi jamö, bä  
bluca da faolalu. Bei tä mobä lä cublai defibä çai, fimo  
fimo bä jamö mobä lä didiblai defibä çai  
da faolalu —a cuma. Inaja lä  
tä cublou showadalayoma.  
Öjö däjä, tä mö weyaa fa  
çolunö, 3 bei tä mö jaba

dödölayoma.



Tä shii jilajaobä, bolacabö cäcöbö wawämalema.  
Mö jalu däjä, tä shii bada lä yobli wei tä  
shii bufiblamobä cätä. Mö didi däjä,  
tä shii lä wacacao wei tä shii  
bufiblamou mö feduobä cätä.




Shidicali bä çaj mö feduwä  
malä cui. Öjö däjä, tä mö  
weyaa fa çolunö, 4 bei tä mö  
jaba dödölayoma.



Öjö tä fena ja, Yai Bada  
a wə faö çoma. —Bei.  
Mau u jamö wamacö  
shulilobä, bä da  
wawäolalu. Ösö jamö  
wamacö yäaabä, bä  
bluca wawäblou mö  
fedua da showadalo —a  
cuma. Öjö däjä, tä mö  
weyaa fa çolunö, 5 bei tä  
mö jaba dödölayoma.




Öjö tä fena ja, Yai Bada a wə faö çoma. —Bei.  
Mashita jamö yalo wamacö jubä, bä wawäblou da  
showadalo. Yalo jiima bä sho, ulifi jamö bä lä juu wei  
bä sho, wajaquemi bä wai lä joleaö wei bä sho, bä  
jödödöwä da wawäblalu—a cuma. Inaja lä tä cublou  
showadalayoma.




Öjö däjä, Yai Bada a wə faö çoma. —Camiyä bamacö  
lä culenaja a cuwä, yanowamö bāma a da tabla,  
bāmalecö owābobä. Öjö däjä, jödödöwä bāma tǎbä lä  
tablalöfe, yanowamö bā nija bāma tǎbä fa jöbäcönö,  
cama etäbä cuobä. Modu u  
jamö bā lä juu wei bā ma cui,  
bā yalo lä yäö wei bā ma cui,  
bā yalo tabobeje bā ma cui,  
wajaquemi bā wai lä  
joleaö wei bā ma cui,  
öjö bā nofi bluca  
tabobeje —a cuma.



Öjö däjä, camanö bä bluca lä tablaleno wei, bä möö fa  
cuaanö, jödödöwä tä dodijidao fe balojooma. Öjö däjä,  
tä mö weyaa fa çolunö, 6 bei tä mö jaba dödölayoma.



¿Öjö tawä? Edena täca jamö, Jeobaa a lä bufiblamou  
wei a lä cuinö, a walo bälömaquema. A nö döobä a  
bälömaquema, täca nofi tabobä.



A fa bälömacönö,  
abinaja a nowa tama.  
—Ei täca jamö, bluca  
defibä lä cule defibä ja,  
a da iya. Wa iyabä  
defibä malä cui. Öjö  
ma cui, nö wälidiwä  
öjööamodima defi ja,  
täcö wa dijä. Öjö defi  
ja wa täcö waö ja, öjö  
däjä showawä wa nia  
nomaö —a nowa  
tama.



Yalo bä lä tabou wejei bä ma  
cui, ulifi jamö bä lä juu wei bä  
ma cui, bä lä yäö wei bä ma cui,  
bä ʼafa bluca jilaa showaquema.  
Bä yalo bluca fa dalalönö, bä  
ʼafa bluca ma jilaqueno wei ma  
cui, cama wʼalo a bayeliobä, a  
mashi dablonomi showawä.



A cuonomi yalo, Jeobaa a lä bufiblamou wei a lä cuinö, a walo mia sublamaquema. A mia fa sublamacönö, bei lebona fụ fa ucälänö, bei sicö shomlaa cõmaquema. Öjö däjä, Jeobaa a lä bufiblamou wei a lä cuinö, walo a lebona fụ lä ucäleno wei lebona fụ ja, suwä bei a tablalema. A fa tablalönö, walo a nija, suwä a cại waloa showaquema.



Inaja a jaba cuaama yalo, täbä doayou  
däjä, täbä shelelou nodiablalou  
showawä. Bä föö nijamö, bä nöö nijamö,  
bä jaba ma cublamou wei ma cui, bei  
suwäbö bä nia fa ajedemabojenö, bä  
sheleleblou majöo, moli bä cublobä.



'Yai Bada tänö yanowamö täbä  
nofimaö fa dodijionö, bä ljilubö  
moli ya e lä cui yale shömölema.  
Wale ą bejedi lä bufii wejei bä  
bluca lä cui, bä nomaö mlai ja  
bä bəlimi cuobä.



Romanos 3:23 Yanowamö täbä jödödöwänö wəlidiwä tä taö malä cujei. Yai Bada tä doblao lä culenaja bä cuwä malä mlai.

Romanos 6:23 Wəlidiwä tä lä taö wejei tä nowa ja täbä malä nomaö wei. Öjö ma cui Bada tä Jesucristo lija bamacö bufi cua yalo, Yai Bada tänö no mlai ja bämalecö bayeliblaö, bəlimi bamacö cuobä.

Hebreos 9:27 Yanowamö täbä nia lä nomaö wei, moli bä nia shilo nomaö. Öjö dējä Yai Bada lija bä nia icuo, bä jimamobä.

Efesios 2:8,9 Wamacö nofi ojodabou yalo, Jesucristo wama a nofi fa mölabonö wamacö malä fucäləno wei. ¿Öjö tawä? Wama a nofi lä mölabou wei tä ma cui, Yai Bada tänö no mlai ja wamacö bayeliblaö mlao fa cunoja, wama a nofi nö çai mölabou bädaobö mlai.



Täbä lä dodijaö wei tänö täbä fucäamoimi yalo, cama bä dodijidawä jimöobä etä cuami.

Romanos 10:9,10 Bei wa caficönö Jesús wa wafa Bada wäaö ja, bei wa bufinö Yai Bada tänö a demi jocädamaö lä çolayono wei wa tä ʘ bejedi çai bufibou ja, wa fucäamou wä.

Bei täbä bufinö tä ʘ bejedi malä bufibou wejei, jai bä dodijidawä waiquiwä Yai Bada tänö bä nofi tabobä. Bei täbä caficönö bä ʘ nö çai wäo, bä fucäamobä.

Juan 3:16,17 'Yai Bada tänö yanowamö täbä nofimaö fa dodijionö, bä ljlubö moli ya e lä cui yale shömölema. Wale ʘ bejedi lä bufii wejei bä bluca lä cui, bä nomaö mlai ja bä bälimi cuobä.



Yai Bada tänö bita jamö bä Ijilubö wale lä shömöleno wei ya lä cui, yanowamö ya täbä nö bleaamabä wale shömano malä mlai. Ya täbä yai jucäabä wale shömölema.

1 Juan 5:11-13 Bälimi bamacö cuobä Yai Bada tänö bämalecö lä dobäleno wei tä afa yai wäyämou. Bä Ijilubö bäma a bejedi lä bufii wei tänö bamacö yai bälimi cuobä.

Bä Ijilubö e lä tabou wejei bä lä cui, bälimi bä li cua waiquia. Yai Bada bei Ijilubö e tabou lä mlajei bä lä cui, bä nia lä bälimio wei etä cuami.

Yai Bada bei Ijilubö wama a bejedi lä bufii wei wamacö bufi jaducublobä, ei ya tä a oni shömaö. Bälimi wamacö cua lä waiquile wama tä dabä.



# Génesis 1-2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: Bob Davies; Tammy S.

Yanomamo (guu) ©2012, All Rights Reserved

<https://www.bible.com/en-GB/bible/2980/GEN.1.GUU>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

